

# Lafaek

## Ki'ik

Ba Edukasaun Pre-Eskolár  
no Ensinu Báziku Klase 1 to'o 2




Volume 57

Edisaun 3/2021

Aniversáriu  
Ba dala

20



Naran : \_\_\_\_\_  
Klase/Turma/Grupu: \_\_\_\_\_  
Eskola : \_\_\_\_\_



NEW ZEALAND  
FOREIGN AFFAIRS & TRADE  
Aid Programme



**Ministériu Edukasaun Juventude no Desportu ho CARE Internasional iha Timor-Leste  
ho apoiu husi Programa Asisténsia Nova Zelândia, kolabora hamutuk hodi serbí  
ba kualidade edukasaun ne'ebé di'ak iha Timor-Leste.**

**Editoriál:**

Jestór Projetu

Jestór Projetu Komunikasaun  
no Marketing

Vise-Jestór ba Publikasaun  
no Atividade Estensaun

Vise-Jestór ba Implementasaun

Vise-Jestór ba Monitorizasun,  
Evaluasaun no Aprendizajen (Interinu)

Marcelino Martins

Fabio Wilmar de Carvalho

Octavio D.S.C. de Andrade

Adelino Jaime Roberto Guterres

Anito Cardoso Ximenes

**Konsellu Editoriál**

CARE Internasional Iha Timor-Leste

Programa Asisténsia Nova Zelândia (Abrani Manuel)  
Ministériu Edukasaun Juventude no Desporto  
(Apolonaria S. Rosa, Simão do Rosario, Tomas Pereira, Eliasefa Barreto,  
Cesaltina da C. Isac, Constantino C. dos Santos, Edia C. E. Monteiro,  
Francisco Varudo, Cipriano O. de A. freitas)

**Hakerek-na'in**

Aliança M. do Rego, Aguida J. de Araujo, Joanicu C. Marques,  
Elisa Verdial

**Artista**

Antoninho Soares Ramalho, Moises Daibela Pereira, Nabila Natasha Sagran,  
Zezinha L.R.C da Piedade

**Dezeñadór ba Gráfiwu**

Gualter Vicente José Barreto Soares

**Ofisiál-Administrasaun**

Ideltina Martins, Eulalia Cardoso Marques (Voluntária)

**Ofisiál-Finansa**

Delfrida Gomes da Conceição

**Ofisiál Monitorizasaun, Evaluasaun no Aprendizajen**

Anito Cardoso Ximenes, Joanita de Fatima, Rubencia Borges,  
Lucio Alves

**Ofisiál Komunikasaun**

Joaquim Pires, Cáitia C. Alves

**Ofisiál Jéneru no Advokasia**

Celestina Pereira

**Ofisiál Projetu**

Joana dos Santos (Aileu), José Soares Magno (Ainaro),  
José Maria de Sousa Gama (Baucau), Geremias Noronha (Bobonaro),  
Januario A. Amaral (Covalima), Grimaldo M. da Cunha (Dili), Joni Dana  
dos Santos (Ermera), Heraldo da Costa (Lautem), Júlio Gomes Carvalho  
(Liquiça), José Anibal (Manatuto), Julião da Costa (Manufahi),  
Baptista Punef (Oecusse), João Soares (Viqueque).

**Xofér**

Caetano Amaral, Nicorah Besi Campe, Adonasi Rocha da Costa,  
Noe dos Santos

Tetun ne'ebé uza, tuir padraun Institutu Nasional Linguística nian

Enderesu : Care Internasional iha Timor-Leste, Bairro Pite, Dili

Email : lafaek@careint.org

Facebook : RevistaLafaek

Website : Lafaek.tl

WhatsApp : +670 7825 5553

Karik Ita-boot iha komentáriu no sujestaun ka hakarak hato'o keixa  
ruma, bele telefone mai +670 7411 2222.

©Labele kopiu buat ne'ebé iha Revista ne'e nia laran, se lahó lisensa husi CARE.

Fotografia sira iha revista ne'e, hasai husi ekipa Lafaek.



**Índise:**

**Pájina 3**

**Ami-nia Dezeñu**




**Pájina 4-5**

**Istória Badak "Bolu Udan"**



**Pájina 6-8**

**Literasia Tetun "Letra Aa no Bb"**



**Pájina 9**

**Literasia Tetun "Lee no Tau Kór"**



**Pájina 10**

**Istória "Balada Barani"**



**Pájina 11**

**Knaar "Meteorolojista"**



**Pájina 12**

**Saúde "Hahán Ba Isin-Di'ak"**



**Pájina 13-15**

**"Mea, Meta no Muti" no "Fahe ai-fuan"**



**Pájina 16-17**

**Koñese "Símbolu Nasionál no Identidade Kulturál"**



**Pájina 18**

**Kriatividade "Halo Uma Tradisionál"**



**Pájina 19**

**Jogu "Materiál Eskola"**



**Fotografia no atividade sira iha konteúdo Lafaek Ki'ik, fotu husi eskola:**

\*. EBF. 1.2 Dara-sula, EMIS 5299, Baucau.

\*. EBF. 1.2, Leuro, EMIS 453, Lautem.

\*. P.E. Santo Antonio, EMIS 1325, Manatuto.

\*. EBF. 1.2 CAFE, EMIS 1712, Viqueque.

\*. EB. Catholica Sta. Maria Gorrete, EMIS 112, Viqueque.

\*. Jecri A.G. Barreto Soares.


PE, Sta. Madalena Canossa, EMIS 1392 Dili.

\*. Elinha T. de F. Barreto Soares.

\*. Tomas Pinto Marques.

# Ami-nia Dezeňu

Lafaek Ki'ik hili ona belun sira-nia dezeňu  
ne'ebé furak, hodi tau iha Revista.




①

Venilia Aprilia,  
Pre-eskolár, Grupu B



②

Jonio Trindade S. de A. Gusmão,  
Ensinu Báziku, Klase 1



③

Auxilio Nonu do Rego Veira,  
Ensinu Báziku, Klase 1



④


Mardifa Difana Fernandes,  
Ensinu Báziku, Klase 2

# Bolu Udan

1 Fila husi eskola, Mauno ho nia belun sira tuur iha ai-mahon ida.



2 Tuirmai, Mauno hahú konta istória ba nia belun sira.



3 Iha loron ida, rai-manas loos. Karau ho Lenuk la'o bá buka hela bee.



4 Sira haree Bibi no Tekilili tuur ho oin triste tanba bee laiha.



5 Sira hotu tuur no ko'alia ba malu katak, bee no ai-han móis laiha.



6 Iha dalan sira la'o bá, hetan Manduku ida tuur triste iha du'ut-laran.



**7** Karau ho nia belun sira hasoru malu ho manduku.



**8** Ho nune'e, Manduku hahú kanta. Manduku kanta to'o kolen maibé udan la mai.



**9** Teki-teki, Manu udan mai no hamnasa.



**10** Lakleur rai-lakan no rai-tarutu, halo sira hotu hakfodak no udan móis mai.



**11** Bainhira udan mai, sira hotu kontente.




**12** Hafoin konta istória remata, sira hotu basa-liman ba Mauno.








## Hatán to'ok!

1. Sé maka konta istória? \_\_\_\_\_
2. Karau ho nia belun sira atu bá buka sé? \_\_\_\_\_
3. Tanbasá, balada sira hotu triste? \_\_\_\_\_



# Letra Aa no Bb

Mai aprende hakerek letra Aa ho Bb no halo mahar pontu sira.

**A****a****B****b**

Haree liafuan sira iha sorin no prienxe ba kaixa mamuk laran.

Ezemplu:

**Asu**

S
U

<b>A</b>	<b>S</b>	<b>U</b>

**Ahi**

i
A
h

A

**Bani**

n
i
B
a

**Busa**

a
s
B
u

B

U


G

Imi bele kontinua tan!

# Pinta Letra

Mai pinta no dada tuir letra sira.

S, T, U, V, W, X, Y, Z, I



Susubeen  
usubeen



Tomate  
omate



Uvas  
vas



Vestidu  
estidu



Wailili  
ailili




Xokolate  
okolate



Yanti  
anti



Zebra  
ebra



Na'an  
Na'an



# Mai Koñese Yanti

Yanti mai hosi Wailili.

Nia gosta liu hemu  
**susubeen** kór **xokolate**.

Yanti iha **vestidu** kór  
mean hanesan ho **tomate** fuan  
tasak nia kór.

Nia iha boneka ida ho naran  
**Zebra**.

Nia mós gosta tebes han na'an  
ho **uvas**.

**Hatán to'ok!**

1. Yanti gosta han saida? \_\_\_\_\_

2. Nia gosta hemu susubeen kór saida? \_\_\_\_\_

3. Yanti nia vestidu kór saida \_\_\_\_\_ no hanesan ho  
kór saida? \_\_\_\_\_




**Mai hakerek kona-ba saida mak imi gosta liu.**



# Lee no Tau Kór


Uza

Ida-ne'e koellu ida.  
 Koellu ne'e kór-kafé.  
 Haree ba koellu kór-kafé.  
 Koellu kór-kafé gosta han senoura.  
 Saida mak imi gosta liu kona-ba koellu?




Koellu

Ida-ne'e lenuk ida.  
 Lenuk ne'e kór-matak no metan.  
 Haree ba lenuk kór-matak no metan.  
 Lenuk gosta han ikan ki'ik sira.  
 Saida tan maka lenuk bele han?




Lenuk

Ida-ne'e batar fulin rua.  
 Batar ne'e kór-saburaka no matak.  
 Haree ba batar kór-saburaka no matak.  
 Batar bele da'an no móis tunu.  
 Saida tan mak imi gosta kona-ba batar?



Batar

Ida-ne'e meda ida.  
 Meda ne'e kór-kalohan.  
 Haree ba meda kór-kalohan.  
 Meda gosta han ai-tahan matak.  
 Saida tan maka meda gosta halo?



Meda

Agora, hakerek fali imi-nia istória kona-ba koellu, lenuk, batar no meda. Imi bele hili animál ida, hodi hahú imi-nia istória.

# Balada Barani



Iha ai-laran tuan ida, moris balada barak hanesan:  
Laho, koellu, kakatua ho nia oan-sira no seluk tan.  
Sira moris ho hakmatek, tanba iha ai-laran ne'e  
nakonu ho ai-han oioin.

Besik ai-laran, moris to'os-na'in ida ho naran tiu Kai.  
Loron ida, tiu Kai bá ai-laran atu taa ai.  
"Tum...tum..."! Tanba lian maka'as, halo  
kakatua no koellu hakarak tebes atu bá haree.

Kakatua tuur iha ai-leten no koellu iha ai-sorin hodi hafuhu tiu Kai.  
Kakatua ta'uk tebes hodi semo arbiru to'o xoke tan ai no monu, maibé nia  
semo nafatin. Kakatua oan sira iha ai-leten, hakilar hodi buka sira-nia inan  
no laho hein hela iha ai-sorin.

Kakatua bá bolu balada sira hotu iha ai-laran hodi halo planu atu ataka  
tiu Kai. Manu sira semo no balada seluk la'o de'it.

Tiu Kai tesí hela ai, balada sira mai ataka tiu Kai.  
Sira tata tiu Kai nia isin. Tiu Kai halai maka'as no monu ba rai-kuak.  
Tiu Kai hakilar, "Tulun lail! Tulun lail!" Balada sira hamnasa haree tiu Kai.  
Kakatua dehan, "Ita labele hamnasa, mai ita bá tulun nia."

Ikusmai, sira foti ai-talik hodi dada tiu Kai. Tiu Kai fó obrigadu  
ba balada sira no promete la tesí tan ai iha ai-laran ne'e.

## Hatán to'ok!

1. Tanbasá, balada sira duni tiu Kai?


---

2. Tiu Kai promete saida ba balada sira?

---

# Meteorolojista

Belun sira, ha'u mak ema ne'ebé baibain bele siik tempu ne'ebé akontese iha aban hanesan; Udan, loro-manas, anin-boot, udan ho rai-lakan, loro-manas ho kalohan no anin tufaun.



Atu sai hanesan meterolojista, ha'u tenke estuda Matemátika no Siénsia.

**Imi hakarak sai hanesan ha'u?**

# Hahán Ba Isin-Di'ak

## Jogu

Mai hili dalan di'ak ka la  
di'ak ba isin-di'ak.



Dalan ladi'ak



Dalan d'iak ba  
saúde

Hatán to'ok!

Hakarak isin-di'ak, imi presiza halo saida? \_\_\_\_\_

# Mea, Meta no Muti

Konteúdu ne'e hetan apiou husi:



Iha ai-laran ida, moris nehek tolu ho sira-nia liurai.  
Sira na'in-tolu nia naran maka Mea, Meta no Muti.  
Loroloron, Liurai maka te'in ba sira han. Sira han  
boot no sai boot lais loos.

Iha loron ida, Liurai dehan, "Uma ne'e ki'ik liu  
ona, imi tenke halo rasik imi-nia uma hodi hela."  
Mea, Meta no Muti la'o bá ona halo uma.



Mea han boot no baruk-teen. Nia halo uma ho duut iha ai-hun boot ida nia okos no besik mota-ibun.  
Halo hotu tiha, nia bá toba ona.

Meta mós baruk-teen. Nia tesi hotu ai iha rai-lolon  
hodi halo uma no nia mós bá toba ona.

Muti badinas tebes. Nia halo uma ho fatuk  
iha rai-luan no iha ai-hun barak hodi satán anin.

Iha nia uma sorin, laiha ai-hun boot.

Nia uma nia riin aas no nia mós halo  
bee-dalan hadulas uma.



Tekiteki, rai-tarutu no udan boot. Anin huu, ai-monu kona Mea nia uma. Lakleur, bee lori tiha nia  
uma ne'e.

Ho lais, Mea halai bá Meta nia uma. Derrepente, rai halai mai no sobu Meta nia uma.  
Sira na'in-rua halai ba Muti nia uma. Iha ne'ebá, Muti nia uma metin tebes. Maski anin no udan boot,  
maibé la estraga nia uma.

Muti dehan, "Labele halo uma besik ai-hun boot no labele tesí ai arbíru, tanba ai-abut maka tahan  
rai." Nia hatutan, "Labele halo uma iha mota-ibun tanba udan boot mai, sei lori hotu imi-nia uma."


Udan para tiha, sira na'in-tolu harii fali uma foun.  
Sira halo tuir saida maka Muti nia hanoin.  
Ikusmai, sira na'in-tolu halimar ho  
haksolok iha sira-nia uma.




## Hatán to'ok!

1. Mea halo uma iha ne'ebé? \_\_\_\_\_
2. Meta fali halo uma iha ne'ebé? \_\_\_\_\_
3. Sé nia uma maka metin liu? \_\_\_\_\_


# Mai Fahe Ai-fuan




Ida fahe ba baluk rua.




Ida fahe ba baluk tolu.



Ida fahe ba baluk haat.










Ida fahe ba baluk lima.




Ida fahe ba baluk neen.

Mai tau vistu ba ai-fuan ne'ebé fahe hanesan iha kraik.

Ezemplu



# Aprende Frasaun



Hili hodi dada ba númeru frasaun  
ne'ebé loos.

Ezemplu:

$$\frac{1}{4}$$

$$\frac{1}{5}$$

$$\frac{1}{3}$$

$$\frac{1}{6}$$

$$\frac{1}{2}$$

Mai  
tulun ha'u!



# Símbolu Nasionál

Ita iha símbolu nasionál tolú mak hanesan; Bandeira Nasional, Inu Nasional no Emblema Nasional. Mai ita ba hatene hamutuk!

## 1 Bandeira Nasional



Bandeira República Democrática de Timor-Leste

## 3 Emblema Nasional



Emblema Nasional  
República Democrática de Timor-Leste

## 2 Inu Nasional

### Pátria

Pátria, Pátria, Timor-Leste, nossa Nação  
Glória ao povo e aos heróis da nossa libertação  
Pátria, Pátria, Timor-Leste, nossa Nação  
Glória ao povo e aos heróis da nossa libertação

Vencemos o colonialismo  
Gritamos: Abaixo o imperialismo  
Terra livre, povo livre  
Não, não, não à exploração

Avante unidos firmes e decididos  
Na luta contra o imperialismo  
O inimigo dos povos, até à vitória final  
Pelo caminho da revolução



Inu Nasional República Democrática de Timor-Leste

se

# Ita-nia

## Identidade Kulturál

Ita mós iha sasán ne'ebé maka sai hanesan identidade kulturál.  
Dada tuir pontu sira atu hamamar liman.



Manu-fulun



Belak



Kaebauk



Mortteen



Keke



Gongu



Kanau dikur



Surik



Baba-dook



Uma-lulik

Temi to'ok, sasán kulturál seluk ne'ebé karik sei falta? \_\_\_\_\_



Materiál: Du'ut, ai-sanak, goma no kateri.

# Halo Uma Tradisionál


Mai serbisu hamutuk ho belun sira hodi halo kriatividade.

1




Tesi ai-sanak sukat halo hanesan.

2



Goma ai hodi uma nia riin.

3



Monta sa'e hodi halo uma nia kakuluk.

4



Tesi ai-sanak no goma hodi halo uma nia kakuluk.

5



Tesi ai-sanak halo ki'ik hodi halo nia odamaton no eskada.

6



Goma du'ut hale'u uma nia kakuluk.

7



Monta ai-sanak iha uma nia lolon.

8



8

Tesi du'ut nia ninin halo ovál.

9


Ikusliu, sei sai hanesan ne'e.

# Jogu

# Hili Materiaál Eskola Nian



Mai tulun Mauno ho  
Asika buka sasán eskola  
nian hodi bá eskola.



"Mai Kuidadu  
imi-nia sasán eskola"



# Belun sira-ne'e husi munisípiu

Baucau





Lautem



Manatuto



Viqueque



Fatin furak ida husi  
munisípiu Baucau



Cristo Liurai Matebian, Baucau  
Fotógrafu: Nicodemos Fernandes de Lima